

殛不赦。何愛崇闢之無其術也。且見器械製造之稍效西法。則輒以
染邪目之。此又不諒之甚也。其教則邪。當如淫教美色而遠之。其器
則利。苟甘以利用厚生。則農桑醫藥甲兵舟車之制。何憚而不爲也。
斥其教而効其器。固可以并行而不悖也。况強弱之形既相懸絕。苟
不効彼之器。何以禦彼之侮。而防其覬覦乎。誠能內修政教。外結隣
好。守我邦之禮義。效各國之富強。與爾士民共享昇平。則豈不休哉。
乃者習見難化。民志靡定。遂有六月之變。失信隣國。貽笑天下。國勢
日以及業。賠款至於鉅萬。寧不寒心。日人之入我國。何曾虐我侮我。
有乖和好。而持以軍民之妄生疑阻。積憤怒有此。無故而先犯爾。
等思之。其失在誰。今幸辦理粗完。舊好更伸。而英美諸國。又將踵至。
立約通商。此乃萬國通例。非創行於我國。則決非可驚可愕之事。爾
等其各恬然。士勤工課。民安稼穡。勿復以日洋日倭胥動騷訛也。各
港近地。雖有外國人間行。宜各恬然爲常。無或先犯。倘如彼有凌虐

自當按約懲辦。決不屈我民而護外人也。嗚呼。愚而自用。聖人攸戒。
在下訕上。王法當誅。不教而刑。是爲罔民。故茲以臚述洞論。且既與
西國修好。則京外所立斥洋之碑。閱時措有異。故并行拔去。爾等士
民各悉此意。事令議政府。揭示行會于八道四都。一日御營中軍。
吳夏泳。一傳曰。京廟令俞達濬。司候李洛應。相換。一傳曰。招輯軍民
之意。有所榜諭。而近聞亂魁尙有漏網。餘黨懷悚。迫逃者未歸。流者
未集。何可以若干人之罪。俾無辜軍民懼此苦也。今論爾衆。如有捕
納亂魁者。每人賞資百金。而別有褒獎之典。其餘脅徒之輩。決無追
究之理。勿復危疑。斯速還集之意。令政府揭示。一傳曰。御營都提調
有闕。代宋判府事。爲之一。蒼龍宮。名幼學李尙斗。疏曰。此是布章言
事之時。而虛佇多日。寥寥無聞。今見爾疏。可採者多。甚庸嘉尙。疏辭
下議政府。條列以聞。一傳曰。修模趙尙學。幼學俞萬植。并持平除授。
一以司謁口傳下教曰。城內巫瞽。令刑漢兩司。左右捕廳。逐出部外。

既而得魁者八人。曰金長孫、鄭義吉、姜命俊、洪千石、柳人萬、許民同、尹尙龍、鄭雙吉。皆唱亂尤逞毒者也。十月七日。於彰義門內軍器寺前處之。凌遲刑。足後先切手。其死屍三日間暴之。每人懸木札。其文曰。謀反不道。罪人姓名。當日軍器寺前。凌遲處刑事。處刑既畢。停追捕令於此。軍民逃匿者。及土人避亂者。往往來歸。京城日靜。鐘閣所鐘堂。邊街路。人行稍繁。有復舊姿。有就日本店買物者。輒群集觀之。亦無有投石散沙等事。似舊習少改矣。然政府近日。排擯大院君黨。中等以下官吏。貶竄三四十名。拘於義禁府者亦不少云。故官海少有風沒。亦上等官吏。未有大黜陟也。又九月宣告之兩大將。申正熙于全羅道。古今島。李景夏于知新島。皆被配流焉。其幽處如土牢。四方以棘圍之。不許與外人交通。殆有瘦死之慘狀。然正熙申櫬之子。固唱開化說。政府亦憐之。多救援者。或可望召還。而景夏頑黨。人多惡之。得召還頗難矣云。○廿三日。韓使等。以下既奉國書使事一畢。乃巡

韓城益

申李配

諸大臣

訪韓使

右倉訪

韓功賞

謁我大臣參議等邸宅。以述謝詞。又巡訪歐米諸公使館。故數日來。訪其館者亦多。及本日。三條、河村、花房、樺山。亦往訪。談話少時而去。○廿四日。岩倉大臣亦往訪之。從來韓人嫌沐浴。而使節諸氏。每日能為之。且喜修威儀。燕居無惰容。觀者頗敬之云。先是政府賞遭難諸人。以外務、雇官、杉浦濬任副領事。進四等屬。石幡貞為二等屬。七等屬。淺山顯藏為三等屬。二等警部。岡平一為一等警部。雇官會庸助。月俸增二十五圓。久水三郎進五等屬。巡查進一級。又令賞勳局。考訂韓地死難者履歷。本日。三條大臣。鍋島式部頭。益賞勳局。行賞勳授與式。其受賞勳者。曰陸軍大尉。水野勝毅。叙勳四等。賜旭日小綬章並金四百圓。同軍曹。千原秀三郎。賜年金六十圓。石幡岡。淺山。叙勳七等。賜青色桐葉章。年金六十圓。巡查。五十嵐惠吉。橫山貞夫。叙勳七等。賜青色桐葉章。勳七等。小林志津三郎。賜年金六十圓。○廿七日。韓使六名。之橫濱。訪和蘭。西班牙。三國公使。外務省遣

韓使覽大學

價金延

期

韓使觀

韓使觀

使館天

長節宴

三等屬吉田要作爲之通辦。留學生尹致昊亦同行。○廿八日。韓使正副。入大學。觀學位授與式。此日。栗野慎一郎。及外務雇官松平定教。自馬關歸。○廿九日。政府允朝鮮。請延償金定期五年。爲二十年。其約。每年。五月。十一月。兩度各二萬五千圓。以砂金。照日本金貨量數。於元山津領事館。領受之。○卅日。韓使之小石川。觀砲兵工廠。○卅一日。之橫濱。觀秋季大競馬。淺山爲之導。○十一月三日。朝鮮近來。與我交情稍厚。本日。國王世子。皆遣使於公使館。以賀我天長節。公館。此日。招韓清諸官吏。開祝宴。清人有故皆不來。而韓官。則京畿觀察洪昌裕。江華留守金允植。裁判尹成鎮。參判金宏集。接伴官朴定陽。漢城左尹嚴世永。參判趙秉稷。李鎰永。閔種。默然。兵使禹元常。李鍾健。別軍職閔肯植。吳聖模。權用國。鄭馱澤。義禁府監察尙稜鉉。其他堂上堂下差備官等。四五十人。唯吏曹判書。李載元。禁衛大將。趙義純。在喪中。避本日。明日來賀。此日。我護衛兵於後山。爲操練。衆賓

韓使會

李會正

朝鮮黨

佐川賞

韓使盛

皆觀之。及宴酣。放烟火數光。各盡歡而去。○五日。朴泳孝。會同行諸子。於築地精養軒。饗之。祝國王誕辰也。○六日。花房補。外務三等出仕。竹添任。辨理公使。韓使訪。岩倉邸。天城艦自仁川歸。是日。韓廷罪李會正。處島配。會正與大院君同志。南人黨之魁也。院君執柄之日。舉爲禮曹判書。初。王妃之失。離廷議紛々。會正微院君之意。主張發輿論。欲以王妃遺衣。代屍以理。葬焉。及王妃還宮。迎接失禮。遂爲知敦寧。既言者。追論其罪。以及之云。韓人或曰。閔氏省以老論黨。組織政府。大排南人。而京城變后。大院君復用南人。排老論黨。南北黨勢。倏忽變化。及大院君去。閔黨亦得勢。若使兩黨不得其平。則又生何等變。不可知也。○七日。韓使三名。入工部大學。觀生徒授業。歸途。過中央電信局。觀其技術。○十日。海軍中軍醫。佐川晃。叙勳五等。賜雙光旭日章。並金三百圓。○十一日。仁川警備艦。以天城既還。警城艦代之。○十三日。朴泳孝。招我諸大臣。及各國公使。於延遼館。以催

宴 盛宴。新製各國旗章。揭于宴席。此日。朝鮮王。召我護衛兵於闕內。使爲操練。以觀之。近藤以下。隊長艦長等。皆賜謁見。兵士皆於王前。賜菓子。世子亦遣中使勞之。王父子改進之狀。可想見也。初朴裕宏。五十年。朴命和。年十二。貴紳秀才。其隨使節來。出於特命。將爲留學生也。故其發途。王送別曰。汝等在外間。衣服任便宜。不必株守本國制度。故入京之明日。既散髮洋服。本日皆入陸軍士官學校。○十五日。韓使諸人。觀御園菊花。○廿三日。外務大輔。吉田清成。招韓使於其邸。設祖筵。以歸期稍迫也。○韓京被害遺族扶助料。使節朴泳考。宜携來者。韓廷財政困難。不能照約。謝訴哀切。我政府不得已。許之。如償金十年云。○廿九日。正午。元老院議官長岡護美。招韓使等於延遼館。以開盛宴。午後七時。陸軍卿大山巖。招之於遊就館。亦開盛宴。此日。閱泳翊。朴義秉。發橫濱。先是尹氏父子。及從來在留者。李樹挺。玄興澤。池運永。李春植。俞吉濬等。發京經東海道。遊覽沿道諸所。蓋皆將

韓王親練兵
韓使觀
菊
吉田慶
韓使
扶助會
金延期
長岡巖
韓使
韓人助
名先就
歸途

韓使之橫須賀

水兵賜酒肴
鍋島製
韓使
天皇贈物

於神戶港會朴泳孝同船歸國也。而朴等。初期滯在三十日。而來。而應接頻煩。日夜饗宴。如不知歸期者云。○十二月五日。朴等以午前八時。瀛車適橫須賀造船所。蓋一覽。而后經江島。赴熱海。一週間入浴云。外務一等屬三輪甫。同行。○六日。尹氏等數人。既以四日。至京都。遊覽舊御所及諸名區。本日至大坂。巡覽兵庫神戶。以俟使節來。我辦理公使竹添。將率一等屬木下真弘。二等屬吉田要作。五等屬加藤義三。與使節一行同發赴任。而皆事序多端。未果也。○八日。海軍下士官以下。至水兵。有航韓之勞者。皆於宮中。賜酒肴。○十二日。式部頭鍋島直大。招使節一行於芝紅葉館。饗以日本宰味。○十九日。使節等三名。參內奉別。天皇贈國王。以御太刀一口。卓皮緞子二卷。賜正副使節。各以花瓶一双。紅白縮緬二疋。使節等。本日將發。亦不果。更以廿七日。爲期。韓廷事變後。益赴關說。待朴氏之歸。將大有所更革。乃命朴携歸必需物品。先是我印刷局。製送機械二臺。

韓使歸裝

而又昨日社寮丸所積載物品五十餘函。猶欲購兵器類。請于陸軍省。故徐光範金玉均等二三名。應滯京。至明年云。又我所購賜銃卅挺。彈藥五万發。而使節等又就砲兵廠購比斯杜耳五挺。彈藥六千發。雷管五萬。○廿八日。韓使與竹添等。以午前十時。派車發東京。井上以下。外務奏任官。送到橫濱。史要氏曰。余撰韓變紀實。起于李閔之爭端。至謝罪使節辭京。以為結尾。

韓使歸裝
發竹添
同行

外報

印度洋
海蛇
獨逸水
害

英國軍艦某號。於印度孟買邊一島。所目擊海蛇。長凡二百尺。現出少時。及艦近。忽然復入水底。○歐洲去歲。獨逸國洪水二次。被害極大。初水在秋。流人家二万户。沒田十五万科爾。人民失住者十三万人。冬害略同。又於某地。家屋流失千戶。失住者一万二千人。其他歐洲諸國。沿大河者。被害粗與普國同云。○英國政府公布埃及征討費。以三百四十一萬磅。賦之內國。一百十四万磅。徵之印度歲入中。

英國外
務卿移
書

三月二日。倫敦發電報。○英國外務卿。頃日移書於歐洲各國。曰。目下大關歐洲諸國之利害。波及財政者。乃使埃及政府。課該國在留外國人。以該國人民同一租稅一事是也。今我英國及諸強國人民。居留該國者。雖不敢被該政府賦課。而固非公平之所為也。故今若有埃及政府。請求以賦加內國同一租稅乎。則我女皇陛下。將與諸強國協議。以許之也。我政府決意如此。因爰通報。○佛國上院議員。以委員會場之際。讀前皇族放逐案。遂因多數。可決之。○二月六日。倫敦發電報。佛國近來。王政党稍得勢力。物議囂然。共和党尤患之。屢發皇族放逐論。而不果。今據此電報。似政府遂下之於議員。噫殆矣。○佛國元老院。廢棄皇族放逐令。更採用皇族謀顛覆政府者。經審判後放逐之議。○二月三日。倫敦發電報。

佛國皇
族放逐
議案

國佛 法 理 論

豫約正價上製七十錢並製五十五錢
遞送費先拂

國佛 刑法詳說

豫約正價 三月廿五日
遞送費先拂 ヨリ改メ 上製壹圓並製八十五錢

右ハ既ニ出版候處尙ホ陸續御申込有之ニ付更ニ一千部増
刷費需ニ應ス民法解釋訴訟法原論ノ二書ハ專ラ印刷ニ着
手セリ

沿革官令類聚目錄

本書ハ既ニ印行ニ着手スト雖モ尙ホ十分ノ照査ヲ要スル
カ故ニ出版幾分ノ延滞ヲ來シ候間陸續御加盟ヲ仰キ候



